

WAR KU SAABSAN DOORKAAGA MARKA AAD TAHAY WAKIIL MACMIIL OO LA AQOONSADAY

INFORMATION ABOUT YOUR ROLE AS THE IDENTIFIED
CLIENT REPRESENTATIVE

Waxa aad wakiil macmiil oo la aqoonsaday u tahay:

MAAMULAHFA FAYLKA ADEEGGA

LAMBAR TELEEFON

Waa maxay wakiil macmiil?

Xeerka Gobolka (RCW) iyo xeerarka Qaybta Naafada Maskaxda (Division of Developmental Disabilities) (DDD) (WAC) ayaa qasbaya in ogeysiiska qoraalka ah ee dhamaan go'aamada saameeya u-banaanaanta DDD, adeegyada DDD, iyo doorashada adeeg-bixiyaha loo diro macmiilka DDD iyo ugu yaraan hal qof oo kale.

Qofkaa kale waa "wakiilka macmiilka". Doorka wakiilka macmilku waa mid ikhtiyaar ah haddii aanuu macmiilka la lahayn xidhiidh sharci.

Waa maxay waajibaadka sharci ee i saaran marka aan ahay wakiilka macmiilka?

Wakiilada kaliya ee leh waajibaad sharci oo ku saabsan macmiilka waa:

- Waalidka dabiiciga ah, waalidka guur ku yimi, ama waalidka korsasho oo leh mas'uuliyadda ilmaha/macmiil da'diisu ka yar tahay 18;
- Mas'uul sharci oo maxkamadi u magacawday macmiil da'du doono ha ahaado macmiilku.

Waa maxay waajibaadkaygu marka aan ahay wakiil macmiil oo la aqoonsaday?

Marka aad tahay wakiilka macmiilka ee la aqoonsaday, waxa aad heli doonta koobiyada dhamaan Ogeysiiska Talaabo Qorsheysan ee loo diro macmiilka.

- Waa aad talaabo u qaadi doontaa ilmaha ka yar 18 adiga oo wakiil ka ah ama waxa aad macmiilka DDD ee qofka weyn ah ka gargaari doontaa inuu fahmo ogeysiiska ay u soo dirto DDD.
- Waa aad macmiilka ka gargaari doontaa habka racfaanka ama ambiilka haddii macmiilku doonayo in uu ka doodo go'aanka.

Mudo intee le'eeg ayaan hayn doonaa mas'uuliyaddan?

- Haddii aad tahay waalidka dabiiciga ah, waalid guur ku yimi, ama waalid korsasho, waxa ku saaran waajibaad sharci ah ilaa dhalashada 18-aad ee ilmaha.
- Haddii aad tahay mas'uul sharci oo maxkamadi u magacawday ilmaha ama qofka weyn, waxa aad mas'uul tahay ilaa mas'uuliyadda lagaa joojinayo.
- Haddii aanad wax xidhiidh sharci ah la lahayn macmiilka, waxa aad joojin kartaa ahaanshaha wakiil macmiil wakhti kasta adiga oo ogeysiis u diraya macmiilka iyo maamulaha fayl/adeeg DDD.

Ka waran haddii macmiilka aan wakiilka ka ahay aanu rabin in aan wakiil u ahaado?

Haddii macmiilku aanu rabin in aad wakiil u ahaatid, DDD ayaa aqoonsan doonta qof kale.

- Macmiilku waxa uu diidi karaa inuu oggalaado qofka loo soo xulay inuu wakiil u ahaado kaliya haddii da'diisu tahay 18 jir ama ka weyn isla markaana aan wakiilku ahayn mas'uul maxkamadi magacawday.
- Haddii aad xidhiidh sharci la leedahay macmiilka, waxa aad macmiilka talaabo u qaadi kartaa adiga oo aan oggalaansho ka haysan macmiilka.

Tani kharash ma ii soo jiidi doontaa?

Ma jiraan wax kharash ah ama lacag ah oo ka yimaada doorka wakiil macmiil.

Ayaan wici karaa si aan u soo sheego adrees ama teleefon cusub?

Waxa aad u baahan tahay inaad wacdid Maamulaha Fayl/Adeeg ee DDD ee lagu qoray dusha sare ee foomkan si aad u soo sheegtid isbeddel ku dhacay meesha waraaqaha laguugu soo hagaajyo, telefonkaaga, ama xidhiidhka sharci ee aad la leedahay macmiilka.

La-soo-xidhiidhis intee le'eeg ayaan ka filan karaa DDD?

- DDD waxay kula soo xidhiidhi doonta ka hor qiimeyn ama dib-u-fiirin kasta oo keeni doonta go'aan leh xuquuq racfaan ama ambiil macmiil si loo xaqijiyo adreeskaaga iyo si loo hubiyo inaad wali raali ka tahay inaad ahaatid wakiilka macmiilka oo aad fahamsan tahay doorkaaga.
- DDD ayaa kula soo xidhiidhi doonta ka hor inta aan boosta laguugu soo dirin ogeysiis macmiil oo ah diidmo, yareyn, ama joojin u-banaanaan, adeeg ama adeeg-bixiye si laguugu sharaxayo go'aanka iyo xuquuqda racfaan ama ambiil ee uu leeyahay macmiilku.
- Maamulaha Faylka/Adeegga (CRM) ayaa isku dayi doona inuu kula soo xidhiidho ugu yaraan laba jeer ka hor inta aan boosta laguugu soo dirin Ogeysiiska Talaabo Qorsheysan.

Yaan wici karaa haddii aan qabo su'aalo ku saabsan ogeysiis ama go'aan ama habka racfaanka?

Ogeysiis Talaabo Qorsheyn kasta oo ku saabsan macmiilka waxa la socon doona magac iyo lambar telefon oo loogu talogalay inaad la xidhiidhid haddii aad qabtid su'aalo.

Maxaad iiga sheegi kartaa habka racfaan lagaga qaato go'aan DDD?

Ogeysiis Talaabo Qorsheysan kastaa waxa uu ku siinaya war ku saabsan sida iyo goorta loo xereysan karo racfaan laga qaadanayo go'aanka.

1. Macaamiisha DDD waxay xaq u leeyihiin inay racfaan ka qaataan go'aan DDD kasta oo ku saabsan diidmo, yareyn, ama joojin u-banaanaan, adeeg, ama doorasho adeeg-bixiye.
 - Waa in macmiilka iyo wakiilkiisa la aqoonsaday ka helaan ogeysiis qoran dhamaan go'aamada DDD ee ku saabsan u-banaanaanta, heer adeeg, ama diidmo ama joojin adeeg-bixiye.
 - Waa in ogeysiiskaasi bixiyo taariikhda ay hirgaliso talaabada la qaadayo, sababta iyo xeerka WAC ee khuseeya, xuquuqda racfaan, iyo wakhtiga lagu xereysan karo racfaan.
2. Racfaanka macmiilka waxa dhagaysta oo go'aan ka gaadha Xaakin Sharci Maamul (Administrative Law Judge) (ALJ) marka uu qabto dhagaysi maamul. Dhagaysigaa waxa lagu qabtaa dhisme DSHS ama iyada oo telefonka la isticmaalayo. Xaakinka ayaa gudoominaya dhagaysiga waana la duubaya.
 - Qareen ama looyar wakiil ah qasab ma aha laakiin waa la oggol yahay.
 - Wakiilka macmiilku waxa uu kaligii soo jeedin karaa arrintiisa ama waxa uu yeelan karaa qareen.
 - Shaqaalaha DSHS looma oggola inay wakiil ka noqdaan macmiilka marka la qabanayo dhagaysi maamul.
 - DDD waxay leedahay isu-duweyaa maamul oo hawsha u fududeeyaa DDD. Kalkaaliyeeyaa Xeer-ilaaliye Guud (Assistant Attorney Generals) ayaa la-talin loo heli karaa oo marmarka qaarkood wakiil ka noqda DDD.
3. Macmiilka ama qof kale oo matalaya macmiilka ayaa af ahaan ama qoraal ahaan ku codsan kara dhagaysi maamul.
4. Waa in dhinac kasta (macmiilka iyo qaybtu) ay soo bandhigaan marag-kac ku saabsan arrinta muranku ka taagan yahay. Waa in marag-kacu ku saleysan Xeerka Maamulka ee Washington (Washington Administrative Code) (WAC).
5. Xaakinka (ALJ) ayaa soo saari doona go'aan qoran. Waa in go'aanku ku saleysan xeerkarka WAC.
 - Xaakinku (ALJ) awood uma laha inuu ka boodo xeer WAC oo jira ama uu wax ka beddelo xeer WAC ama uu ku dhawaaqo inuu yahay waxba-kama-jiraan.
 - Ulajeedada dhagaysigu waxa weeye in la go'aamiyo in DDD ay gaadhay go'aan sax ah marka la eego xeer wasaaradeed ama qaybeed.
6. Labada dhinacba waxay xaq u leeyihiin inay racfaan ka qaataan go'aanka koobaad ee uu gaadhay xaakinku oo loo gudbiyo Guiddida Racfaanka (Board of Appeals).
 - Guiddida Racfaanka (Board of Appeals) (BOA) waxay u shaqeysaa DSHS sidaa daraadeed go'aankeedu waa go'aankii kama-dambeysta u ahaa DSHS/DDD.
 - Macmiilku waxa uu go'aanka BOA racfaan uga qaadan karaa Maxkamadda Sare (Superior Court).

Tixraaca WAC:

WAC 388-825-100 ilaa 105

WAC 388-825-120 ilaa 165